

ՈՐՏԵՂ ԵՆ ԳՏՆՎԵԼ ԵՐՎԱՆԴԱՇԱՏ ԵՎ ԵՐՎԱՆԴԱԿԵՐՏ
ՔԱՂԱՔՆԵՐԸ

Պրոֆ. Բ. Ն. ԱՌԱՔԵԼՅԱՆ

Երվանդունիների հարստության վերջին թագավոր Երվանդի կոզմից մ. թ. ա. III դարի վերջերին և II դ. սկզբներին հիմնադրված և նրա անունը կրող Լրկու թաղաքների մասին հնագույն, առավել ընդարձակ և արժեքավոր տեղեկությունները մեզ հաղորդել է Մովսես Խորենացին։ Պատմահոր այդ վկայությունները եղակի լինելով՝ արտակարգ արժեքավոր են, ուստի հարկ ենք համարում մեջ բերել ամբողջությամբ։

Խոսելով Երվանդ արքայի մասին, Մովսես Խորենացին՝ գրում է. «Յաւուրս սորա փոխին արքունիքն յԱրմաւիրն անուանեալ բլրոյ. քանդի էր հեռացեալ գետն Երասխ, և ի երկարել ձմեռայնոյն, և ի դառնահոտ փշմանէ հիւսիսոյ պաղացեալ ձուլեալ վտակն՝ ոչ ուստեք արբուցումն բաւական թագաւորականին գտանէր տեղւոյ։ Ընդ որ նեղեալ Երուանդայ, նաև ամրագունի ևս տեղւոյ ելեալ ի խնդիր՝ փոխէ զարքունիսն յարևմուտս կոյս, ի քարակտուր մի բլուր, զորով պատ առեալ Երասխայ՝ ընդդէմ Ախուրեանն հոսի գետու Պարսպէ զբլուրն, և ի ներքսագոյն քան զպարիսպն ընդ բազում տեղիս կտրեալ զքարինսն մինչև ի յատակս բլրոյն հաւասար գետոյն, մինչև գիմն ջուրց գետոյն ի փորուածն, յըմպելեաց պատրաստութիւն։ Ձմիջնաբերդն ամրացուցանէր բարձր պարսպօք, և դրունս պղնձիս կանգնէր ի միջոցի պարսպին, և ելանելիս երկաթիս ի ներքուստ ի վեր մինչև ցրտունն. և ի նմա որոգայթս իմն ծածուկս ընդ մէջ աստիճանացն, որպէս զի բմբուսցի՝ եթէ որ զաղտ ելանելով դաւել կամիցի զարքայն։ Եւ էր, ասեն, երկդիմի. որպէս զի մինն լիցի սպասաւորաց արքունի և ամենայն ելեմտից ճանապարհ տուրնջենային, իսկ միւսն զիշերային և մարդադաւաց»։

Խորենացու վկայությամբ Երվանդաշատը տեղադրված էր Երասխի ափին բարձրացող մի բլրի վրա, որի շուրջը պտույտ էր գործում գետը, իսկ դիմացը հոսում էր Ախուրյանը։

Ավելի պատկերավոր է Երվանդակերտի տեղագրական նկարագրությունը և Խորենացին գրում է. «Քաղցր է իսկ ասել և յաղագս գեղեցիկ դաստակերտին Երուանդակերտի, զոր յօրինեաց նոյն ինքն Երուանդ գեղեցիկ և չքնաղ յօրինուածովք։ Քանզի զմիջոց հովտին մեծի լնու մարդկութեամբ և պայծառ շինուածովք, լուսաւոր որպէս ական բիր։ Իսկ շուրջ զմարդկութեամբն՝ ծաղկոցաց և հոտարանաց կազմութիւն, որպէս շուրջ զբբովն զայլ բոլորակութիւն ական։

1 Խորենացին, ճիշտ բնութագրելով Երվանդի գործունեությունը, նրան շփոթել է Օսրոյենի Երվանդ թագավորի հետ, որը ժամանակակից էր Ադրիանոս կայսրին (117—138)։ Կեն. Մանգյան, Քննական տեսություն հայ ժողովրդի պատմության, հատ. Ա, էջ 125։

2 Մովսես Խորենացի, գիրք Բ, գլ. 18։

Իսկ զրազմութիւն այդևստանոյ՝ իրր զարտեանանց խիտ և զեղեցիկ ծիր. որոյ հիւսիսային կողմանն զիր կարակնածև՝ արդարև զեղաւոր կուսից յօնից դարաւանդաց համեմատ: Իսկ ի հարաւոյ հարթութիւն դաշտաց՝ ծնօտից պտրգութեան զեղեցկութիւն: Իսկ զետն բերանացեալ դարաւանդօր ափանցն՝ զերկթերթիսն նշանակէ շրթունս: Եւ այսպիսի զեղեցկութեան զիր՝ անբթթելի իմն զողջես ի բարձրաւանդակ թաղաւորանիստն զհայեցութեան ունի. և արդարև բերրի և թաղաւորական դաստակերտն³:

Այս վկայութիւնից պարզ երևում է, որ Երվանդակերտը թաղավորի սկիական տիրույթ՝ դաստակերտ էր կամ ձևոնակերտ: Նա հետո չէր Երվանդաշատ մայրաքաղաքից և տեղադրված էր զետի երկու ափին, քանի որ ռդետն բերանացեալ դարաւանդօր ափանցն՝ զերկթերթիսն նշանակէ շրթունս:

Երվանդակերտն այնպիսի բնույթի քաղաք էր (ձևոնակերտ, դաստակերտ), որ քիչ թե շատ նկատելի զարդացում չունեցաւ, մինչդեռ Երվանդաշատը աճեց ու զարձաւ հին Հայաստանի առավել խոշոր և աչքի բնկնող քաղաքներից մեկը: 360-ական թթ. պարսից Շապուհ I արքայի բանակները զրավեցին և ավերեցին նաև Երվանդաշատ քաղաքը. այդ առթիւ Փալստոս Բուզանդը գրում է. «առնուին և զմեծ քաղաքն Երուանդաշատ, և խաղացուցանէին անտի երդս քսան հազար հայ, և երդս երեսուն հազար հրեայ և քաղաքն ի հիմանց տապալեալ բրեալ յատակէին»⁴:

Եթե 50 հազար երդ (բնտանիք) բնակչությունը Երվանդաշատի համար չափազանցություն համարվի, այնուամենայնիւ զապետը է գիտվի իրեն վկայություն՝ այդ հին քաղաքի իրոք մեծ և բազմամարդ լինելու մասին:

Շապուհի բանակների ձեռքով կործանվելուց հետո այդ քաղաքն այլևս չվերականգնվեց, ուստի նրա հետագա գոյությունն մասին աղբյուրներում ոչ մի վկայություն չկա, իսկ հնագիտական գիտությունները, կարելի է ասել, չեն հակասում դրան: Ինչպես երևում է, նույն բախտին է արժանացել նաև Երվանդակերտը: Կործանվելով զեռես IV զարում և չվերականգնվելով հետագայում, այդ քաղաքները անհետացան, ուստի նրանց ավերակների տեղի որոշումը զգալիորեն պակարացել է:

Ասոդիկը, վերապատմելով Խորենացու վկայությունը Երվանդաշատի հիմնադրման առթիւ, քաղաքի պարսպալ բլրի մասին գրում է, թե «այժմ ասի Երուանդաքար»⁵: Տարոնացին արդյոք ստույգ գիտե՞ր Երվանդաշատ-Երվանդաքարի տեղադրությունը, կամ չէ՞ր շփոթում Երվանդակերտի հետ՝ զմիար է ասել:

Նոր ժամանակներում քանիցս փորձել են պարզել Երվանդաշատի և Երվանդակերտի տեղադրությունը: Հովհաննես Շահխաթունյանցը, որն անցյալ դարի առաջին կեսին այցելել է այս վայրերը, ենթադրել է, թե Երվանդակերտը գտնվել է Արաքս գետի հարավում՝ Արաքսի հետ Ախուրյանի խառնվելու տեղի դիմաց, իսկ Հաջի-Բալրամ գյուղի մեջ գտնվել է Երվանդաշատ քաղաքի մի արվարձանը, որը կապվել է բուն քաղաքի հետ մի կամուրջով: Վերջինիս հետ-

³ Ի՞նչպես երևեսցի, գիրք Թ, գլ. ԽԲ:

⁴ «Փալստոսի Բուզանդացու պատմութիւն Հայոց», Վենետիկ, 1889, էջ 177:

⁵ «Ստեփանոսի Տարոնացու Ասոդկան Պատմութիւն Տիեզերական», Պետերբուրգ, 1885, էջ 47: Գլուխը (էջ 86) կարծում է, թե «Երուանդաշատ» և «Երուանդակերտ» ոչ թե երկու քաղաք են եղել միմյանցից բաժանված երասի գետով, այլ միևնույն քաղաքի պարթևական և հայկական անուններն են:

քերը նա տեսել է տեղում⁶։ Շահխաթունյանցը գրում է. «Ի Հաճի-Բայրամ զեղ-ջի, ընդ զևտն ի վեր իրրև քառորդ մի ժամու ի ձորամիջի անդ է աներևալ տեղի բաղում տանց. ուր է և փոքրիկ ամրոց աներևալ, այլ արևմտեան բուրգն նորա մեծ մասամբ կայ կանգուն, և յարևմտեան ճասասի այնը բրգան գտանի ար-ձանագրութիւն հայկական տառիւք, այլ վասն բարձրութեանն և ի տեղիս տեղիս եղծեալ զուոյն շկարողացաք առնուլ ի գիրս⁷։ Այնուհետև նշելով, որ այս ամ-րոցից արևելք կան կոփածո կարմրագույն բարից կառուցված մի մատուռի ավերակները, որի պատի վրա պահպանվում է 1218 թ. արձանագրություն, հե-ղինակը շարունակում է. «անդէպ այսր տեղույ յանկոյս զետոյն երեկն բազում ավերակք տանց և փոքրիկ ամրոցի միոյ և մատրան»⁸։ Հաջի-Բայրամից քա-ռորդ ժամ հեռավորության վրա գտնվող և Ախուրյանի երկու ափերին տարած-վող այս ավերակները Շահխաթունյանցը, ըստ երևույթին, վերագրել է Երվան-դաշատին, որի մի արվարձանն էլ, նրա ասելով, ձգվում էր հարավ և բռնում Հաջի-Բայրամ գյուղի տեղը։

Ալիշանի «Շիրակ» աշխատությանը կցված բարտեզում Երվանդաշատը նույնացված է Մարմեսի հետ և տեղադրված Արաքսի ու Ախուրյանի գետա-խառնուրդի մոտ՝ Ախուրյանի աջ կամ արևմտյան ափին, իսկ Երվանդակերտը նրա դիմացը՝ զևտի ձախ ափին, Հաջի-Բայրամ (այժմ՝ Բախլալար) գյուղին կից։ «Այրարատ» աշխատության մեջ Ալիշանը ավելի հանգամանորեն է քննում Երվանդաշատի և Երվանդակերտի տեղագրությունը։ Նա կրկնում է իր նախկին կարծիքը, սոսկ ուսական մեծադիր բարտեզից իմանալով, որ Հաջի-Բայրամ գյուղից դեպի ներքեկու գտնվում են «մեծատարած անբակս մղոնաչափ սրփ-ոեալ ընդ արևելս ի վերայ բարձրավանդակ դաշտակի առ Երասխա», և ավե-լացնում է, որ զրանք մի մեծ քաղաքի մասերն են, որ սեույն ինքն դաստակերտն (Երվանդակերտ) մասն ենթ է համարելի քաղաքին Երուանդտ (Երվանդաշատ)։

որ միայն զամրոցն և զկարևոր շինուածս կառույց յարևմտեան անկյան զետակ-ցացն և յարևելակողմն՝ զրևակարանս մարդկութեանն»⁹։ Գրքում զետեղված բարտեզի վրա Ալիշանը Երվանդակերտը ցույց է տալիս Հաջի-Բայրամից հա-րավ-արևելք, իսկ Երվանդաշատը՝ ոչ թե անմիջապես նրա դիմացը, Ախուրյանի արևմտյան կամ աջ ափին, այլ զետերի խառնուրդից մոտ 8 կմ դեպի արև-մուտք, նույնացնելով այն Մարմեսի հետ և ճշտելով վերջինիս տեղը։

Գ. Վարդանյանի կազմած, Գ. Դյուստերտիգի զծագրած և 1910 թ. Թիֆ-լիսում նրանց հրատարակած Հայաստանի պատմական մեծադիր բարտեզի վրա Երվանդաշատը տեղադրված է Արաքսի ձախ ափին՝ Ախուրյանի խառնուր-դի մոտ, իսկ Երվանդակերտը՝ Արաքսի աջ ափին, Կողրից արևելք, Կարակա-լայի տեղում, որտեղ հնում եղել է Ցուլակերտը։

Հնագետներից Երվանդաշատի և Երվանդակերտի մնացորդների հետախու-զությամբ զբաղվել է Թ. Թորամանյանը։ Նա 1909 թ. այցելել է այս վայրե-րը, տեղում դիտել հնագիտական մնացորդները։ Նույն թվականին «Ախուր-յան» թերթի 65-րդ համարում նա տպագրել է «Երվանդաշատ և Երվանդա-

⁶ Շահխաթունյանց Յովհաննէս, Ստորագրութիւն կաթողիկէ էջմիածնի և հինգ դասուաց Արարատայ, էջմիածին, 1842, ատ. 2, էջ 39։

⁷ Նույն տեղում, էջ 39—40։

⁸ Նույն տեղում, էջ 40։

⁹ Ալիշան, Այթարատ, Էջ 63։

կերտ» խորագրով ուշագրավ մի հոդված, որը արտատպված է նրա նյութերի ժողովածուի Ա հատորում: Թորամանյանը Արաքսի և Ախուրյանի զետախառնուրդի մոտ՝ Ախուրյանի աջ ափին տեսել է մի բունի ցիր ու ցան ավերակներ: Գետեզրին մոտիկ բար ու բանդ եղած մի փոքր մատուռ», սրբատաշ քարով մի ուրիշ շինության մնացորդներ, որոնք նա համարել է XIII—XIV դարերի գործեր: «Աստեղմե բիշ հեռու,— գրում է Թորամանյանը,— ղեպի հյուսիս-արևմուտք կնշմարվի մի ուրիշ շինություն, որ իսկապես բազմադարյան հնության պոչում ունի իր վրա: Որձաբարի մեծամեծ գտնվածներով շինված են պատերը, որ բստինքյան հայ շինություններու ամենահին շրջանին կվերաբերին: Շինությունը թեև երկհարկանի է եղած, սակայն շատ փոքր է և միայնակ մնացած է բլրի մը գլխին: Հեռու կամ շատ մոտ հատ-հատ կերևին մանր մունր շինությանց մնացորդներ, սակայն այս ամենը բավական չեն բնավ հորենացիի այնքան ներքուղած ծովանդաշատի մնացորդները համարվելու համար»¹⁰: Հեղինակը նշում է, որ Ախուրյանի աջ ափը բոլորովին հարմար չէր մեծ քաղաք կառուցելու համար: «Գետափին ամբողջ երկարությամբ մինչև Արաքսի ափը,—ասում է նա,— թերևս նեղ շնչոտի մը վրա գտնվեր փոքրաթիվ բնակչություն և հանդիպակաց ափին վրա գտնված քաղաքին մի քաղաքամասը կազմեր...»¹¹: Ավելի մեծ թվով և համեմատաբար լավ երևացող շինությունների մնացորդներ Թորամանյանը տեսել է գետի ձախ կամ արևելյան ափին: Նա գրում է. «Երբ անցա Ախուրյանի ձախ ափը, արդեն ամեն բան կերպարանափոխ եղավ, ամեն քայլափոխին կնկատվին մեծամեծ շինությանց հետքեր՝ ցրված մինչև Հաջի-Բայրամ գյուղի ստորին սահմանները: Գետեզրի հետ միասին մինչև Հաջի-Բայրամ ձգվող բարձր սարը այսօր ալ ինքնին մի մեծ բերդ կարելի է համարել, և ամեն հարմարություններ կներկայացնե ի հնումն բոլորովին անառիկ դարձնելու: Արդեն կատարին վրա ամբողջ երկայնությամբ կերևին որձաքարերով հյուսված ահավոր պարիսպներու մնացորդներ, որոնք տեղ-տեղ 4—5 մետր բարձրությամբ կերևին: Բացի սարը վերենն շրջապատող պարիսպներեն, նաև կերևին առանձին մեծ բերդամասերու բաժանմունքները՝ լանջին զառիվարեն ղեպի ցած ձգված»¹²: Ախուրյանի վրա ներկայումս գոյություն ունեցող կամուրջից վերև, ձորի բարձրագիծը լանջին Թորամանյանը տեսել է բազմաթիվ շինությունների մնացորդներ, «որոնցմե մեկուն տեղական բնակիչները ավանդաբար պալատ անունը կուտան: Թեև բավականին հին շինություն է և զարմանալի կերպով մեծամեծ որձաքարերով հյուսված, սակայն պալատ համարվելու ամեն առանձնահատկություններն զուրկ է, թերևս եղած է մի մասնավորի մեծ բնակարան՝ երկհարկանի և քանի մը բաժանումներով»¹³: Այս շինությունից վերև Թորամանյանը տեսել է միջնադարյան մի մատուռի մնացորդները, որի հյուսիսային կործանված պատի վրա եղել է արձանագրություն: Ժամանակակից կամուրջից ներքև Թորամանյանը նկատել է հին կամուրջի հետքեր և գտնում է, որ քաղաքը մինչև այդտեղ է հասել: Հաջի-Բայրամ գյուղում Թորամանյանը չինքների հետքեր չի տեսել, իսկ պարտեզների ցանկապատերի

¹⁰ Թ. Թորամանյան, *Նյութեր հայկական ճարտարապետության պատմության, հատ. Ա*, էջ 283—284:

¹¹ Նույն տեղում, էջ 284:

¹² Նույն տեղում, էջ 284:

¹³ Նույն տեղում:

մեզ զրված են եղել հին շենքերից բերված մեծագույնզված քարեր, որոնց վրա տակավին պահվել են երկաթե կապերի տեղերը¹⁴։

Այս ամենի հիման վրա Քորամանյանը եղբակցեցնում է, որ Երվանդաշատը գտնվել է Ախուրյանի ոչ թև աշ. այլ ձախ ափին. «Պարզապես մեր այսօրվան Երվանդակներս կարծվածն է հին Երվանդաշատը, իսկ Երվանդակներսը պետք է փնտրել Արաքսի մյուս ափին վրաս»¹⁵։ Ք. Քորամանյանը այնուամենայնիվ հարցը լուծված չէր համարում և իրավացիորեն անհրաժեշտ էր գտնում մասնագիտական արշավախումբ կազմել տեղում այս հարցը հանգամանորեն դնելու համար։

Հետագայում իր աշխատություններում Քորամանյանը քանիցս հիշատակում է Երվանդաշատի շինությունների կառուցողական հին ձևերը և տեխնիկան, մասնավորապես երկաթե կապերի օգտագործումը, գտնելով, որ Հաջի-Բայրամի մոտի ավերակները պատկանում են Երվանդաշատին¹⁶։

Պրոֆ. Ս. Նրեմյանը իր պատմական քարտեզներում, որոնք հրատարակված են առյուծի ձևով, հորենացու նկարագրություն համաձայն Երվանդաշատը տեղադրում է Արաքսի և Ախուրյանի գետախառնուրդի արևելյան անկյունում, սակայն քարտեզների փոքր մասշտաբները թույլ չեն տալիս ստույգ որոշելու քաղաքի իսկական տեղադրությունը, իսկ հնագիտական դիտողությունների մասին խոսք լինել չի կարող։ Քն որտեղ է նա տեղադրում Երվանդակներսը, մեզ հայտնի չէ, քանի որ քարտեզների վրա այդ քաղաքը չի նշվում։

Ք. Հակոբյանը Հայաստանի պատմական աշխարհագրությանը նվիրված աշխատության մեջ նույնպես հորենացու հազորած տեղեկություն համաձայն ասում է, թե Երվանդաշատը գտնվում է Երասխի և Ախուրյանի գետախառնուրդում։ Սակայն անձամբ ծանոթ չլինելով տեղանքին, նա կարծում է, թե այն տեղադրված է բարձր լեռան զագաթին¹⁷։ Մինչդեռ հորենացին ասում է թի քաղաքատր մի բլուրա։ Իր կազմած սխեմատիկ քարտեզի վրա նա, Վարդանյանի նման, Երվանդաշատը տեղադրել է Արաքսի ափին, Ախուրյանի դիմացը Երվանդակների մասին Ք. Հակոբյանը գրում է. «Գտնվում էր Երվանդաշատից ոչ հեռու, դեպի արևելք՝ Երասխի բարձրադիր ձախ ափին»¹⁸։ Բայց երա ասած տեղերում հնությունների հետքեր բոլորովին չկան։

Որքան ամփոփելու լինենք գիտնականների տեսակետները, այդպես կատարվի հետևյալ պատկերը։

Ըստ Շահխաթունյանցի Երվանդաշատը տեղադրված է եղել Արաքսի և Ախուրյանի գետախառնուրդի դիմաց, Արաքսի աջ կամ հարավային ափին, իսկ ձախ ափին՝ Հաջի-Բայրամ գյուղի տեղում, գտնվել է Երվանդաշատ քաղաքի մի արվարձանը։ Ըստ Ալիշանի՝ երկու գետերի խառնուրդի մոտ, Ախուրյանի աջ կամ արևմտյան ափին (ըստ «Այրարատ»-ում գետեզված քարտեզի՝ ափից էլ մի քանի կիլոմետր հեռու)։ Ըստ Ք. Քորամանյանի՝ երկու գետերի խառնուրդի մոտ, Ախուրյանի ձախ ափին՝ Հաջի-Բայրամ գյուղից քիչ հյուսիս, այսօրվան կամուրջի մոտ, իսկ քաղաքի մի թաղամասն էլ եղել է Ախուրյանի մյուս

14 Նույն տեղում, էջ 235։

15 Նույն տեղում, էջ 236։


16 Նույն տեղում, հատ. Ա, էջ 145, 296, 330—332, 336, 355, հատ. Բ, էջ 128։

17 Ք. Խ. Հ. Կ. Բ. Ե. Ն. Ուրվագծեր Հայաստանի պատմական աշխարհագրության, Երևան, 1960, էջ 130։

18 Նույն տեղում, էջ 131։

ափին: Ըստ բոլոր բարտեղագետների՝ համաձայն հորենացու վկայության՝ երկու գետերի խառնուրդի արևելյան անկյունում, կամ՝ Ախուրյանից փոքր-ինչ դեպի արևելք, Արաքսի ձախ ափին: Սակայն բարտեղագետներից ոչ մեկը չի ստուգել բաղաբի տեղը հնագիտական դիտողություններով և հիմնվել է սոսկ հորենացու տեղեկությունների վրա (Ս. Երևմյանը հաշվի է առել նաև Թ. Թորամանյանի դիտողությունները):

Երվանդակերտը գիտնականները տեղագրել են այսպես. ըստ Ալիշանի՝ Արաքս և Ախուրյան գետերի խառնուրդի արևելյան անկյունում, Հաջի-Քայրամ գյուղի հարավային կողմում (ընդ որում նա մի անգամ էլ ասում է, թե Երվանդակերտն ու Երվանդաշատը խառնված են իրար և Ախուրյանից աջ կամ արևմուտք գտնվում էր Երվանդաշատի բերդը): Ըստ Վարդանյանի՝ Երվանդակերտը գտնվել է Արաքսի աջ կամ հարավային ափին, Կարակալայի տեղում: Ըստ Հակոբյանի՝ Երվանդակերտը գտնվել է Արաքսի ձախ ափին, Երվանդաշատից արևելք: Թորամանյանը, լավ իմանալով Ալիշանի կարծիքը Երվանդակերտի տեղի մասին, ասում է, որ այդտեղ պարզապես Երվանդաշատն է գտնվել, ուստի Երվանդակերտի տեղը թողնում է անորոշ:



Նկ. 1. Երվանդաշատ, շենքի մնացորդներ

Այս պայմաններում միանգամայն բնական է, որ Ախուրյանի կամուրջի մոտ գտնվող ավերակների լուսանկարները Պետական պատմական թանգարանում, Թորամանյանի կարծիքի համաձայն, ցուցադրված են որպես Երվանդաշատի մնացորդների լուսանկարներ:

Երվանդաշատի և Երվանդակերտի տեղադրությունը և նրանցից պահպանված մնացորդների հարցը հետաքրքրել է նաև մեզ: Այդ նպատակով երիցս այցելել ենք այն վայրերը, որտեղ պետք է տեղադրված լինեին այդ բաղաբները: Առաջին անգամ 1951 թ. հուլիսին մի արշավախմբով, որի կազմում էին հարտարապետության թեկնածու Վ. Հարությունյանը, պատմական դիտողությունների թեկնածուներ Զ. Մնացականյանը և Գ. Սարգսյանը, երկու օրվա ընթացքում հետազոտեցինք տեղանքը: Սկզբում դեռևս տարակուսանք չունեինք

Քորամանյանի կարծիքի ճշտության վերաբերյալ, ուստի մեր ժամանակի մեծագույն մասը ծախսեցինք Բախչալար (նախկինում՝ Հաջի-Քայրամ) բնակավայրի և նրա մերձակայքի հետազոտության վրա։ Գյուղում ոչ մի հուշարձանի հետք չգտանք, գյուղից հարավ, Ախուրյանի և Արաքսի գետախառնուրդի անմիջապես անկյունում, կային ուշ միջնադարյան մի փոքր բերդի հետքեր։ Գյուղի հյուսիսային ծայրին տեսանք միայն միջնադարյան տապանաքարեր և խաչքարեր։ Գյուղից 1,5 կմ դեպի վերև նկատեցինք հին հայկական շրջանի բազմաթիվ շինությունների մնացորդներ՝ ձորում ու նրա բարձրագիծ լանջին էրանց թվում կային քառակուսի, համարյա բոլորակ կամ ձվածիր հատակազիծ ունեցող շենքերի հիմնապատեր, երեք տեղում պահպանված մինչև մուտքի բարավորը։

Գետափին մերձակա մի փոսը նկատ տեղում, որից արևելք մեծ անկյան տակ դեպի վեր բարձրանում են սարի լանջերը, արևմրտյան կամ գետի կողմում, փոքր ինչ բարձրագիծ տեղում կառուցված է եղել մի շենք՝ բազալտե մեծամեծ քարերով, որի հիմքերի վրա միջին դարերում փոքր քարերով և կրով կանգնեցվել է մի աշտարակ։ Այստեղից դեպի հյուսիս գետն ի վեր կարելի է նկատել ճեղքված, բայց անտաշ քարերով կառուցված բազմաթիվ շենքերի հիմնապատեր, որոնք փռված են ձորի արևելելյան քարքարոտ լանջին 600—700 մ երկարությամբ։ Դրանց մեջ են գտնվում նաև կարմրավուն սրբատաշ տուֆ քարից կառուցված միջնադարյան մատուռի այժմ շատ ավելի քարուքանդ եղած հիմնապատերը։ Բնակատեղիի հյուսիսային ծայրին գտնվում էր միջնադարյան զերեզմանոց։

Այս հին բնակավայրի տեղադրված լինելը ոչ թե Արաքսի, այլ Ախուրյանի ափին, ձորի ոչ բավարար ընդարձակությունը և մի խոշոր քաղաքի համար տեղանքի միանգամայն անհարմար լինելը լուրջ տարակուսանք առաջացրին Քորամանյանի հայտնած կարծիքի վերաբերյալ, թե այստեղ կարող է տեղադրված լինել Երվանդաշատը։ Այստեղ չկար այն բլուրը, «զորով պատ առեալ Երասխայ՝ ընդդէմ Ախուրեանն հոսի գետ»։

Անհրաժեշտ էր հետախուզել Արաքսի և Ախուրյանի գետախառնուրդից արևելք, Բախչալար և Խերբեկլու գյուղերի միջև ընկնող տեղանքը և գտնել այն լարձունքը, որի շուրջը պտույտ առներ Երասխը, իսկ զիմացից՝ այսինքն արևմուտքից հոսեր Ախուրյան գետը։



Նկ. 2. Երվանդակերտ, կառույցի մուտքը

Դուրս գալով Բախչալարից զեպի հերբեկլու՝ նկատեցինք, որ վերջինիցս քիչ զեպի արևմուտք փոփում է մի ընդարձակ դարավանդ (տերաս)՝ կազմված իրար միացող բարձունքներից, որոնք ծածկված են պտղատու այգիներով և արտերով։ Այս դարավանդը հերբեկլու գյուղի տեղի համեմատությամբ շատ ավելի բարձրագիծ է, համարյա բոլորակ տեսք ունի, զեպի Արաքս գետը իջնում է ավելի ցածրագիծ երկրորդ դարավանդով, որն այնուամենայնիվ շատ ավելի բարձր է զետի ջրերից։ Ամբողջ բոլորակաձև բարձրագիծ դարավանդը արևմուտքից, և մանավանդ արևելքից, ողողված է եղել Արաքսի ջրերով։ Այսպիսով, դա իրոք կարող էր լինել այն բարձունքը, «գործով պատ առեալ Սրասսիս»՝ ընդդեմ Ախուրեանն հոսելը գետ»։

Նկարագրվող դարավանդի հյուսիսային մասում՝ ճանապարհի մոտ նկատեցինք ոչ շատ մեծ ձեղքված քարերից շարված, բայց բավականաչափ լայն բեկվող գծերով ընթացող և բեկման անկյուններում աշտարակի հետքեր ունեցող պարսպի մնացորդներ¹⁹։ Մենք հնարավորություն ունեցանք տեղանքը հետազոտել միայն վերին դարավանդի վրա, բայց այստեղ տեսանք միջնադարյան եկեղեցիների ավերակներ, իսկ բարձունքի կենտրոնական մասում՝ հին դարերի շենքերի մնացորդներ, որոնցից մեկի անկյուններին նկատեցինք այդպիսի ոչ մեծ շենքի համար անսովոր աշտարակաձև կամ ավելի շուտ կոնտրֆորտի նմանվող ելուստներ։ Դեպի այս շենքը արևելքից-արևմուտք ձգվում էր փոքր-ինչ աղեղնաձև մի փողոց, որի երկու կողմերից պահպանվում էին քարե ցանկապատի մնացորդները։ Շենքերի մնացորդները նկատելի էին ընդարձակ այդ բարձունքի տարրեր մասերում։

Տեղանքի ստույգ համապատասխանությունը հորենացու նկարագրածին և հին ժամանակների շինությունների մնացորդների առկայությունը բարձունքի տարրեր մասերում, մեծ քաղաքի համար տեղի կատարյալ հարմարությունը և քաղաքը շրջապատող պարսպի մնացորդները թույլ են տալիս ենթադրելու, որ երվանդաշատը տեղադրված է եղել այստեղ։ Մեր այս ենթադրությունը գտավ արշավախմբի մասնակիցների հավանությունը և իր արտահայտությունը ունեցավ նրանցից՝ Վ. Հարությունյանի 1955 թ. հրատարակած հոդվածում²⁰, ժամանակի սղությունը արշավախմբին թույլ չտվեց ավելի հանգամանորեն զննել երվանդաշատի տեղանքը և ավերակների պահպանված մնացորդները։ Կարելի է նաև ենթադրել, որ Ախուրյանի ձախ ափին եղած ավերակները պատկանում են Երվանդակերտին, որի մի թաղամասն էլ այևտք է գտնվել զետի աջ կամ արևմտյան ափին, բայց 1954 թ. մենք մյուս ափին ավերակների հետքեր չընկատեցինք, ինչպես Բախչալարում շնկատեցինք երկաթե կապերի հետքեր կրող քարեր, որոնց մասին քանիցս հիշատակել է Ք. Թորամանյանը։

1961 թ. հուլիսի սկզբներին Դաոնիի հնագիտական արշավախմբի մի քուկատ՝ ճարտարապետ Ա. Սահինյանի, պատմական գիտությունների թեկնածու Գ. Տիրացյանի, լաբորանտ Ժ. Խաչատրյանի և իմ մասնակցությամբ ավարտելով Փարաքարի մոտի անտիկ շրջանի նորահայտ մի հուշարձանի պեղումները, հուլիսի 11-ին մեկ օրով մեկնեց Երվանդաշատ և Երվանդակերտ, այս քաղաքների տեղանքը լրացուցիչ կերպով հետազոտելու նպատակով։

¹⁹ Պարսպի լայնքը ստույգ պարզել կարելի է պեղումների օգնությամբ։

²⁰ Հայկական ՍՍՌ-ի «Տեղեկագիր», 1955, № 9, էջ 58։



Նկ. 3. Երվանդակերտ, շենքի մնացորդներ



Նկ. 4. Երվանդակերտ, ընդհանուր տեսքը

Այս անգամ հնարավորություն ունեցանք զննել Երվանդաշատի զետափ-նյա ավելի ցածրագիր դարավանդը, որտեղ բաղարի հարավ-արևելյան մասում, զետի ափին գտնվող բարձունքի վրա նկատեցինք խոշոր և շատ կարևոր շենքերի կոմպլեքսի հետքեր և բազմաթիվ այլ շենքերի հետքեր՝ տարբեր տեղերում: Պարզվեց, որ բաղարի պարսպի հետքերը կարելի է նկատել սկսած բաղարի հյուսիս-արևելյան անկյունից մինչև Արաքս զետի ափը, այսպիսով և՛ արևելքից մինչև Բախչալարի մոտերքը:

Պետք է ենթադրել, որ բաղարը սկզբում հիմնադրվել է հերթնություն մոտիկ գտնվող բլրակի վրա, բայց աստիճանաբար բնդարձակվելով տարածվել է թե՛ հյուսիսային և թե՛ հարավային դարավանդների, այսպիսով զետի արևմտյան մասում: Ախուրյանի զետախառնուրդին մոտ բնկնող բլրախմբի վրա: Հավանաբար բաղարի աստիճանական աճման և ծավալման հետևանքով են զոյացել բաղարի ներսում գտնվող և Արաքսի հունին ուղղահայաց հաստ պատերը, որոնք բաղարը բաժանում են առանձին թաղամասերի: Չի բացառվում, որ սրանք կարող էին զոյանալ այն ժամանակներում, երբ Տիգրանը և Արտավազը, ուրիշ նրկներին բերելով, հայկական բաղարներում, նաև Երվանդաշատում բնակեցրին հելլենիստական բաղարների հունյն, հրեա և այլազգի բնակչություն:

Երկնությունների հետքեր նկատեցինք նաև վերին դարավանդի մի բանի այլ մասերում, որտեղ չէինք եղել 1953 թ.: Մեզ համար պարզ դարձավ, որ պարսպների մեջ, վերին և ներքին դարավանդների և բարձունքների վրա, հնում փռված է եղել մի իրոք խոշոր և բնդարձակ բաղար՝ անտարակուս Երվանդաշատը:

Քաղաքի տեղանքի հետազոտությունը ցույց է տալիս, որ Երվանդաշատը կործանվել է հնում: Միջին դարերում նրա տեղիտորիայի վրա, ինչպես երևում է, առաջացել է մի վանք, որն իրեն կից բնակելի շենքերի խմբով բռնում է հին բաղարի արևելյան թաղամասի մի փոքր մասը: Միջնադարյան այլ շենքեր և խաղող ճգմելու հնձաններ նկատելի են նաև բաղարի տարածության հյուսիս-արևմտյան մասում:

Վերևում արդեն հիշատակեցինք, որ ուշ միջնադարյան մի փոքրիկ ամրոց կառուցվել է Արաքսի և Ախուրյանի զետախառնուրդի մոտ, Բախչալար գյուղի հարավում, որտեղ հետագայում կարող էին հասած լինել Երվանդաշատի արևմտյան արվարձանները: Դրանից ավելի արևելք, հավանաբար հին բաղարի արևմտյան թաղամասում, XIX դարում կառուցվել է կազակների պահակատունը: Այսպիսով պետք է կարծել, որ բաղարի ավերակների մեծագույն մասը պահպանվել է հին ժամանակներից և վերին աստիճանի հարմար է պահպանների համար: Հնագետն այստեղ առանց երկար ու բարակ որոնումների կարող է ձեռնարկել զետի երեսին երևացող շենքերի մի բանի խոշոր կոմպլեքսների պեղումները: Մեր դիտողությունները ստուգեցինք նաև 1963 թ.:

Երվանդաշատի տեղադրության համար լրացուցիչ փաստարկ է և այն, որ հորենացու վկայությամբ՝ բաղարի շինությունը ավարտելով, Երվանդը հիմնադրեց Բաղարանը, որտեղ կառուցեց մեհյաններ և այնտեղ փոխադրեց աստվածների բազինները: հորենացին ասում է, թե Բաղարանը հիմնադրվեց Քիրեկ բառասուն ասպարեզով՝ Երվանդաշատից՝ հյուսիս, որը կազմում է 9,2 կմ և միանդամայն համապատասխանում է մեր նշած վայրից մինչև Բաղարան եղած հեռավորությունը:

1961 թ. հուլիսին լրացուցիչ դիտումներ կատարեցինք նաև Ախուրյանի ափին բնակող բնակավայրում: Այստեղ հին շենքերի վրա կառուցված միջնադարյան աշտարակը քանդված էր և հին շենքի մնացորդների վրա հարմարեցված մի փոքրիկ դիտակետ՝ սահմանապահների համար:

Դիտողությունները ցույց տվեցին, որ Ախուրյանի ձախ կամ արևելյան ափին հին քաղաքի ավերակները բռնում են 600—700 մետր երկարությամբ մի տարածություն՝ ձորում և նրա բարձրագույն լանջին: Համարյա նույնպիսի երկարություն բռնող տարածության վրա ավերակների հետքեր հեռագիտակով պարզորոշ կերպով նկատելի են նաև ղետի աջ կամ արևմտյան ափին: Ձախ ափի շենքերի հետքերը դիտեցինք ավելի մանրամասն և համոզվեցինք, որ դրանք իրոր կարող են պատկանել հայ մշակույթի հին (անտիկ) շրջանին: Այգ երևում է նաև ավերակների մեջ գտնված կավե անոթների բեկորներից: Միջնադարյան խեցեղենի մնացորդներ գտնվեցին վերևում հիշատակված մատուռի մերձակայքում:

Հին դարերի շենքերի մնացորդների առկայությունը, տեղանքը, որը հարմար է միայն փոքր քաղաք-ձեռակերտի համար, ինչպես և շինությունների հետքերի առկայությունը ղետի երկու ափերին՝ որոշակի են դարձնում, որ Երվանդակերտը գտնվել է հենց այստեղ:

Հիշենք, որ հորենացու նկարագրությամբ քաղաքը գտնվել է Ախուրյանի երկու ափերին, իսկ ռեկտոն բերանացեալ դարաւանդօր ափանցն՝ զերկթերթիսն նշանակէ շրթունս»: Իրոք, քաղաքի հյուսիսային մասը բարձրագույն է, իսկ հարավային կողմում փռվում է հարթությունը, որը հասնում է մինչև Արաքսի սփյր, համապատասխանելով հորենացու վկայությանը՝ «իսկ հարաւոյ հարթութիւն դաշտացա»:

Այսպիսով, ոչ մի տարակուսանք չի մնում, որ Երվանդակերտը տեղադրված է Երվանդաշատից 3—4 կիլոմետր հեռավորության վրա, նրանից դեպի հյուսիս-արևմուտք՝ Ախուրյանի ձորում, ղետի Բազարան տանող ճանապարհի վրա, որտեղ մինչև այժմ պահպանվում են նրա ավերակների հետքերը:

Այժմ, երբ Երվանդաշատ և Երվանդակերտ քաղաքների տեղադրությունը պարզված է, նրանց սիստեմատիկ հնադիտական պեղումները խոշոր նշանակություն կունենային Հին Հայաստանի պատմության և նյութական մշակույթի ուսումնասիրության համար, ուստի պետք է հանդիսանան մեր կարևորագույն հեռանկարային խնդիրներից մեկը:

ГДЕ НАХОДИЛИСЬ ГОРОДА ЕРВАНДАШАТ И ЕРВАНДАКЕРТ?

Проф. Б. Н. АРАКЕЛЯН

(Р е з ю м е)

На основании письменных источников и археологических наблюдений автор статьи уточняет местонахождение города Ервандашат, основанного армянским царем Ервандом на рубеже III и II вв. до н. э. Устанавливается, что Ервандашат находился на левом берегу р. Аракс, у слияния с ней р. Ахурия, в полном соответствии с указанием Мовсеса Хоренаци.

На возвышенности между селениями Хербеклу и Бахчалар, ближе к первому из них, сохранились остатки городской стены, охватывающей довольно обширную территорию, на которой тут и там заметны фундаменты сооружений и стен, разделяющих друг от друга городские кварталы. Город был обнесен стеной, следы которой заметны на большом протяжении.

Определяется также местонахождение Ервандакерта, основанного тем же царем. Городские кварталы Ервандакерта простирались на обоих берегах р. Ахурян, севернее селения Бахчалар, где ошибочно предполагалось местонахождение Ервандашата.

Уточнение местонахождения Ервандашата и Ервандакерта открывает перспективы археологического изучения этих городских центров древней Армении, существовавших до IV в. н. э. Автор подчеркивает важность проведения археологических работ на территории названных городищ.